

- Divum catervae te adeunt; nonnulli pavidè palmas suppliciter tendentes mussant. » Ave! « dicentes magnorum Sapientum ac Beatorum catervae celebrant te hymnis perpulcris. Rudri, Aditiadae, Vasues, Sâdhyi, Visvi, Asvines gemelli,
22. Ventique, Fidicines coelestes, Genii, Divum ac Beatorum catervae, te suspiciunt, et stupefacti plane sunt cuncti.
23. Formam tuam ingentem, multa ora ac lumina gerentem, multa brachia, crura, pedes moventem, multa latera, multos dentes exsertos ostendantem, *formam istam, inquam*, intuitentes mundi consternantur, ac perinde ego. Coelum vertice ferientem, fulgidum, multicolorem, ore hiantem, flammis grandibus oculis, te quum intueor, percellitur animus mihi intimus, nec firmitatem invenio, nec tranquillitatem,
25. o Vishnus. Dentibus exsertis minantia ora tua conspicatus, conflagrationis rerum postremae similia, plagas coelestes non distinguo, nec laetitiam capio. Fave mihi, Deum domine, mundi columen! Istique, te versus, Dhritarashtrae nati cuncti, simul cum terrarum orbis regum catervis, Bhîshmas, Drônas, nec non Solis filius (*Carnas*), simul cum nostris
27. quoque proceribus, in ora tua festinantes incurrunt, dentibus exsertis formidolosa. Nonnulli inhaerescens dentium interstitiis cernuntur contritis membris extremis. Sicuti amnium multiplices torrentes versus Oceanum cursu directo ruunt, similiter isti generis humani heroës incurrunt in ora
29. tua flammantia. Sicuti in accensam flammam muscae involant, ad necem impetu abreptae, similiter plane ad necem incurrunt mortales in tua quoque ora, impetu abrepti.
30. Lambis, devorans undique mortales integros, faucibus inflammatis. Fulgoribus implentes mundum integrum radii tui acres effervescunt, o Vishnus! Enarra mihi, quaeso, quis-
- 31.